

Regional News Unit AIR Aizawl
Thursday, April 03, 2025
Time - 7:30 -7:40Hrs

REGIONAL NEWS BULLETIN

HEADLINES (MORNING)

- Nikum chhungin Mizoram tlawhtu khualzin mi sing 5, 2235 an awm.
- Operation Brahma hnuaiah India chuan Lengpui Airport kaltlangin Myanmar-ah lirngching tuarte tanpuina thahnem tak a thawn mek.
- Lok Sabha chuan nizan khan Waqf (Amendment) Bill 2025 a pass
- Nimin khan Parliament chuan Immigration and Foreigners Bill,2025 a pass.



TOURISM

Mizoram ah nikum chhungin khualzin mi sing 5, 2235 an awm a, heng zingah hian ram pawn atanga khualzin mi sing 10051 an awm.

Tourism Department tarlan danin Mizoram tlawhtu khualzin zingah hian ram chhung atangin mi sing 4,2184 an awm a, ram pawn (foreign) atangin khualzin mi sing 10051 bawk a ni. Kum 2023 April atanga kum 2024 March inkarah khualzin mi nuai 2 sing1,9149 an awm a, heng zingah hian mi nuai 2 sing 1, 5265 chu ramchhung atanga khualzin niin ram pawn atanga khualzin hi 3884 an awm bawk a ni.

Voice Cast

Department tarlan danin Rampawn atanga khualzin rawn lutte hi ram 14 atanga rawn kal niin nikum chhung khan Aizawl Khawpuiah khualzin tam berin ram chhung atanga tlawhtu mi 24559 awmin rampawn atanga tlawhtu hi 8221 an awm a, Champhai District tlawhtu hi ramchhung khualzin 5003 awmin rawmpawn khualzin 497 an awm a, Lungleiin dawt lehin ramchhung khualzin 2714 awmin rampawn atanga khualzin hi 75 an awm leh a ni.



ASF

Animal Husbandry & Veterinary Department Joint Director Dr Lalrotluanga Sailo chuan ASF chu vawk natna inkaichhawn awlsam leh hlauhawm tak a ni a, a enkawlna a awmluh avangin AH&Vety Dept chuan kum 2025 chhunga he hri hi a len lohnan theihtawp a chhuah a ni, a ti.

He thu hi Akashvani Corr Lalengmawii'n a kawmnaah sawiin Dr Lalrotluanga Sailo chuan ASF in Mizoram a chenchilh tlat tawh avangin tunhnaihah Zawlnuam leh Lawngtlai lamah a hri a rawn leng leh a, hmun danga a kai darh zel loh nan Dept pawhin hma a la nasa a. Inter District Movement of Pigs kalpui turin thupek siamin mipuite pawh zirtir a ni, a ti a. ASF lenna hmunah khuahkhirh anih theihna atan ASF vanga vawk thi in te damdawi hmanga tih thianghlim tir niin disinfectant te pawh department in a sem thin a ni, a ti.

ASF hri chu a darh zel lohnan mipuite pawhin thu zawm a, vawk damlo leh vawk thi sa zawrh leh la sawn lo tura an ngen thu a sawi a. ASF chu a darh lohna atan vawk inah pawn lam mi luh tir lo a, vawk in a luh leh chhuah dawn apianga thawmhnaw thianghlim ha a vawk in leh a vel damdawi leh sahbawn hmanga tihfai chu a pawimawh thu a sawi a ni.

Nimin khan ASF vanga vawk thi zat hi 67 niin vawk 7 suat a ni a. Kumin chhunga vawk thi zat chu vawk. 614 niin vawk 114 suat a ni tawh a. Vawk suat avanga zangnadawmna hi kum 2021 kha vawk neitute hnenah an pawisa dawn tur zat zaa 25 pek an ni a, kum 2022 khan za a 25 tjo prk leh niin kum 2023 khan an pawisa dawn tur zat za a 25 pek an ni tawh bawk a ni.



OPERATION BRAHMA

Operation Brahma hnuaijah India chuan Myanmar-ah lirnghing tuarte tanpuina thahnem tak a thawn mek a, Indian Air Force sipai thlawhna C-17 Globemaster chu thawhlejni khan lirnghing tuarte mamawh tur tam tham tak phurin Lengpui Airport ah alo tum a ni.

United States siam sipai thlawhna Indian Air Force ta hian metric tonne 65 zeta rit mipui mamawh hrang hrang a phur a, heng a phurh te hi tui intur, buhfai, damdawi, mut bu te leh in enkawl na atana mamawh hrang hrang te an ni.

Lengpui Airport thuneitute sawi danin heng bungraw hrang hrang lirnghing tuarte tanpuina tur hi Assam Rifles ten Zokhawthar ah Truck hmangin an chhek chho dawn a, heta tang hian Myanmar ram chhunga Chin state paltlangin lirnghing tuarte tanpuina an pe dawn a, India sawrkar leh Myanmar sipai sawrkar pawh hemi chungchangah hian an inbe tawh nia thudawn a ni.

External Affairs Minister Dr. S. Jaishankar chuan Operation Brahma hnuaijah India chuan Myanmar-ah tanpuina thahnem tak a thawn thu a sawi a. Indian Air Force C-130J thlawhna hmangin buhfai leh ei tur bakah tanpuina bungrua tonne 16-a rit chu Delhi atangin Mandalay ah thawn a ni a, Indian Navy lawng lian, INS Ghariyal pawh Vishakhapatnam atangin ei leh in tur metric tonne 442 phurin a chhuak a. External Affairs Minister sawi danin Mandalay-ah Indian Army field hospital unit din a ni tawh bawk.

Operation Brahma tia vuah Lirnghing avanga chhiatna hrang hrang thleng leh inchhanchhuahna hna thawhna tura India sipaite hmalakna hi thla liamta March ni 29 khan tan a ni a, he hmalakna ah hian India mithiam hrang hrang damdawi lam leh lirnghing sawhkhawk tuar te sawngbawl tura mithiam bik te chuan Myanmar rama lirnghing tuar te an enkawl dawn a, heng bakah hian India sawrkar chuan Myanmar ah hian tanpuina thahnem tak thlawhna leh lawng hmangin a thawn lut bawk a ni.



MAMIT

Mamit Hmarveng, Multipurpose ALF Cooperative Society Ltd. te'n an enkawl Disposable Paper Cup Machine chu Mizorama a hmasa ber ni turin District Bawrhsap Pu K. Lal lawmlovan nimin khan a hawng.

Pu K. Lal lawmlova chuan Mizoram tana hman hnu a paih mai theih no siam chhuahna hmasa ber tur Cooperative Society hnuaijah Mamit Hmarveng Self Help Group te'n an enkawl hawn theih a ni ta chu lawmawm a tih thu sawiin tangkai taka hman a nih theih nan duhsakna a hlan.

Mamit DCO Pu Lalhangfala sawi danin, disposable cup siamna khawl hi Cooperative Department-in Cheng nuai 22 senga an bun niin zaa 70 hi Loan a ni a, zaa 30 subsidy a ni. He khawl hian minute 1 ah No 100 siamchhuak thein darkar 1 ah No 6000 a siamchhuak thei a ni.



VIKSIT BHARAT

Viksit Bharat Youth Parliament New Delhi-a neih mekah Parliament session neih mek a ni a, Mizoram aiawh-a kal zirlai naupang ten Parliament session kalphung nunchan ni 2 chhung an zir tawh a ni.

Mizoram Team ami Angela Vanlaldusaki, Mizoram Christian College, English department-a 6th semester zirlai, Aizawl Kulikawn West venga cheng chuan wawiina discussion neih turah One Nation One Election chungchang sawihonaah a tel dawn tih a sawi a ni.



AIR NEWS ON SOCIAL MEDIA

Chanchinthar hi Akashvani Aizawl atanga puan a ni a. AIR News Aizawl Youtube Channel, All India Radio News Aizawl Facebook page leh newsonair.gov.in ah te chanchinthar hi ngaihthlak leh chhiar theih a dah a ni.

Vawiin chawhnu dar 2 leh a chanve-ah Chanchinthar puan leh a ni ang.



QUARRY ASSN PRESS CONFERENCE

Mizoram Quarry Association chuan Quarry ah permit nei lova lung la leh her tam tak an awm tih sawiin heng mite hian sawrkarah chhiah an chhung lo an ti.

He thu hi nimina Aizawl Press Club-a chanchinbu mite an kawmnaah sawiin Mizoram Quarry Association President Pu C.Ladinfela chuan sawrkar in mining check gate a siamah Danin a phut anga permit neilo te chuan Form O pek tur an nei lo a ti a, Mizoramah Company hrang hrang Mizoram pawn atanga lo lutin Mizoram chhungah ram hmasawna turin heng company te hian an hnathawhna atan chauh lung lak phalna an nei a, an hnaa an hman tur bak pawn lamah hralh chhuah phalna an nei lo a ti a, Company pawn lama hralh thin an awm chu an duhloh thu sawiin Mizoram sawrkarah chhiah an pek loh avangin mipuiten dawr tawhloh turin an duh tih an sawi bawk.

Pu C Laldinfela chuan Mizoram sorkarin tun hnaiah lung halna thahnem tak an man thu leh an man thenkhatte chu Quarry nei si lung la lo mahse permit nei tho atangin a nih thu a sawi a. Quarry neituten hian lung halna permit an neih chu thla khata sawrkarin lei zat tur a bituk an tla lo zawk thin tih sawiin dan ang thlapa kalpui chhunzawm zel an duh tih a sawi bawk.



WAQF

Lok Sabha chuan nizan khan Waqf (Amendment) Bill 2025 a pass. Bill hi Member 288 in an thlawp laiin member 232 chuan an thlawp lo thung a. House chuan Mussalman Wakf (Repeal) Bill 2024 pass bawkin he bill hian Mussalman Wakf Act 1923 chu a paih dawn a ni.

Waqf (Amendment) Bill 2025 hi Joint Parliamentary Committee in rawtna a siam hnuah house ah put luh a ni a. Bill puluttu Union Minority Affairs Minister Kiren Rijju chuan Muslim sakhaw kalphung tihdanglam tumna anih loh thu sawiin Waqf Boards ten ram leh ro an neih ngaihtuahna tur chauh anih thu a sawi a. Minister chuan hmanlai thil tuaithar tumna lam anih loh thu sawiin tunlai thlirna mila hmalakna niin tu ram mah chhuhsak an tum lo a ti a.

Hetihlai hian Opposition Memberte chuan chuan sawrkar chu he bill chungchangah mipuite rilru hruai kawi ah a puh a. He bill hi ram danpui Constition kalh anih thu sawiin he bill hmang hian danpui tihdanglam an tum niin sawrkar an puh a. India mipuite thendarh tumna anih thu a sawi bawk a ni.

<><><>

PM

Prime Minister Narendra Modia chaun ni hnih thangin Thailand-ah a zin dawn. Thailand-ah hian BIMSTEC Summit vawi 6-naah a tel dawn a. Thailand Prime Minister Paetongtam Shinawatra nen Bangkok ah an inkawm ang a. Inremna thuthlung chi hrang hrang ziahnaah an tel dawn bawk a ni.

Tun tum hi Prime Minister Modia'n Thailand a tlawh vawi thumna tur a ni a, kum 2016 leh 2019 khan a lo tlawh tawh a ni.

<><><>

IMMIGRATION LAWS

Nimin khan Rajya Sabha chuan rampawn atanga lo pem lutte leh ramdangmite tana Visa leh thildang awlsam zawka pekna tur dan Immigration and Foreigners Bill,2025 chu a pass a. He bill hi ahmain Lok Sabha-ah pass alo ni tawh bawk a ni. He dan thar hian Passport (Entry into India) Act, 1920, the Registration of Foreigners Act, 1939, the Foreigners Act, 1946, leh the Immigration (Carriers' Liability) Act, 2000 te a paih dawn a. Tunlai milin passport-te, khualzin tana lehkha pawimawhte, Visa leh registration pek kawngahte tunlai milin sawrkar chu thuneihna pek a ni a. Dan inkalhtelh leh fello tam tak a paih dawn a ni.

<><><>